



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২২ জুন ২০০৮

মার্কিন ভিসার জন্য ‘ড্রপ বক্স’ ব্যবস্থা উঠে গেল, চালু হচ্ছে ফিঙারপ্রিন্টিং

নয়াদিলি— কলকাতার মার্কিন কনসুলেট সহ নয়াদিলির মার্কিন দূতাবাস এবং মুম্বই ও চেন্নাইয়ের মার্কিন কনসুলেটগুলিতে মার্কিন ভিসার আবেদনপত্র জমা দেওয়ার জন্য ‘ড্রপ বক্স’ ব্যবস্থা তুলে দেওয়া হচ্ছে। এই পরিবর্তনের প্রভাব পড়বে কেবল সীমিত-সংখ্যক সেই সব ব্যক্তির ওপর বর্তমানে যাঁদের ভিসার সাক্ষাত্কারের জন্য সশরীরে হাজির হওয়ার প্রয়োজন হয় না। কলকাতায় ‘ড্রপ বক্স’ আবেদন জমা দেওয়ার শেষ দিন আগামী ১৬ জুলাই।

‘ড্রপ বক্স’ ব্যবস্থা তুলে দেওয়ার কারণ হল, আগামী জুলাই মাসের গোড়া থেকেই ভারতের সর্বাত্ম মার্কিন কনসুলার বিভাগ ভিসার আবেদনকারীদের ফিঙারপ্রিন্টিং বা আঙুলের ছাপ গ্রহণ করা শুরু করবে। এই ক্ষেত্রে ছাড় পাবেন শুধু যাঁরা সরকারি অফিসের কাজে মার্কিন যুক্তরাষ্ট্রে যাচ্ছেন অথবা যাঁদের বয়স ১৪ বছরের কম বা ৭৯ বছরের বেশি।

ভিসার সাক্ষাত্কার গ্রহণের সময় আবেদনকারীদের দু’টি হাতেরই মধ্যমার ছাপ বৈদ্যুতিন পদ্ধতিতে স্ক্যান করাতে বলা হবে। সেই ছাপের সঙ্গে আবেদনকারীর আমেরিকায় প্রবেশের সময় গ্রহণ করা আঙুলের ছাপের স্ক্যানিং মিলিয়ে দেখা হবে। এই ব্যবস্থার মাধ্যমে ভিসা জালিয়াতি করে আমেরিকায় যাওয়ার চেষ্টা বা আরও কোনও গুরুতর অপরাধীকে ঠেকানো যাবে।

এই কর্মসূচী সারা বিশ্বেই গ্রহণ করা হয়েছে এবং ইতিমধ্যে দেড়শতিন বেশি দেশে মার্কিন কনসুলার বিভাগে তা ক্রপায়ণ করা হয়েছে। ফ্রান্সফুর্ট, ব্রাসেলস, সান সালভাদর ও গুয়াতেমালায় এই ব্যবস্থা চালু হয়েছে গত বছরের ২২ সেপ্টেম্বর। ইউএস-ভিজিট প্রোগ্রামের অঙ্গ হিসাবে চলতি বছরের ২৬ অক্টোবরের মধ্যে বাকি সব দেশের মার্কিন দূতাবাসেও ভিসা আবেদনকারীর ছবি ও আঙুলের ছাপ নেওয়া

চালু হয়ে যাবে। কলকাতায় মার্কিন ভিসা প্রার্থীদের ব্যক্তিগত সাক্ষাৎকার, ছবি ও আঙুলের ছাপ দেওয়ার উদ্দেশ্যে কম্পিউটারের মাধ্যমে www.ttsvisas.com এই ওয়েবসাইটে গিয়ে অনলাইন আবেদন করতে হবে।

দ্রষ্টব্য: এই নিবন্ধের সম্পর্ক ইংরেজি ভাষ্য আমেরিকান সেন্টারে পাওয়া যাবে। আপনি যদি মূল ইংরেজি বয়ানটি পেতে চান তাহলে আমেরিকান সেন্টারের প্রেস সেকশনে (টেলিফোন: ২২৮৮ ১২০০-০৬, ফ্যাক্স: ২২৮৮ ১৬১৬; ই-মেল: *pascal@state.gov*) যোগাযোগ করতে পারেন।